

馮仲翔先生遺著

絳華樓訓集

柳詒徵題



馮仲翔先生遺著

絳華樓詛集

重印絳華樓詩集感賦

國璘 時客台灣


花萼相輝樂事稠，無端失怙不勝憂。
長兄勗勉情何重，廣孝還須賦遠游。
谷移陵變久睽離，生死天涯兩不知。
龍漢劫消惟我在，不堪白首憶兒時。
難忘當年教誨聲，渝州而後又金陵。
深恩欲報何由報，重讀音書百感生。
匡時淑世見情思，四卷惟存壯歲詩。
遺稿飄零何處覓，絳華重印有餘悲。
故園日夜苦思歸，老病侵尋願豈違。
城郭人民勞夢想，雲天北望淚霑衣。

題詞

吳 宓

託根非異土琢玉喜同心文字光華古山川性德深談兵
同甫氣出塞劍南吟歲晚兼時急哀歌不可任

廿載傷親難煩憂倍惜君世途原險側民志正離勞物外
存立想山中臥白雲一編今已就紙貴洛陽羣




序

吾性不能詩而喜讀人之詩性不能詞而嗜讀人之詞喜評隲人詩文之長短而不能作一語恒嘗以爲詩爲心聲爲詩之道不外於情韻趣三者而已杜陵詠懷諸章此出於情者也阮亭秦淮諸什此諧於韻者也元白宮詞長調此合於趣者也若夫典麗喬皇之作實大聲閎之篇雖鋪張揚厲渙乎有容然叩其中則實無一物此杜陵騁騷之歌尙不如冬郎側豔之句也天水馮仲翔先生與余同歲生同肄業於舊都清華學校執業於梁王吳陳諸先生之門時羣治考訂訓詁仲翔服膺其鄉人張介侯之學而獨喜爲詩及學成返里同學諸子多教學於四方而仲翔獨

遊宦於青海於時楨簪筆傭書奔走南北與仲翔不相通
問詢者垂六七年去年秋余仍潛居舊京校讀叢殘一夕
方執卷吟哦忽報仲翔至矣至則促膝談詩每至中夜雖
鬢髮已蒼而興致猶不減於疇昔未幾君小憩溫泉紅葉
山莊初春返城相見大懽同遊廠肆探奇搜微各挾巨帙
行久且饑偕君至路旁攤頭食豆腐炊餅據案大嚼旁若
無人者此樂雖昔武虛谷洪稚存諸君之盤遊京師乘興
往還未嘗有也使後數十年再遇君於舊都剪燭話舊追
述往事不更可增趣事歟歸後仲翔出其所作絳華樓詩
四卷已哀然成帙余盡一日夜之力讀之喜其情致深厚
中多雋語於鄉邦掌故記注尤詳不減杜老秦州諸作足

以發潛起幽昭示來者至古月堂賦呈陳吳兩先生與韻
琴鐙下讀書野趣等篇效元白之體而有閒適之趣此不
驚於俗而能兼詩人之長者也爰不忝而爲之序民國二
十五年二月五日卽上元節前二日安陽謝國楨記於讀
宋以後書齋



序

往在里中嘗執業於仲翔先生之門循循善誘啓迪備至
猥以椎魯期許獨殷十九年庚午匪亂大作隴之南比縣
坵墟關山烽火音問久滯閱明年間關省謁湟中相見黯
然設館授餐執經問字樂如昔時也邊政多棘每廢餐理
繁劇而公暇午夜篝燈著述不稍怠於西塞故實山川風
土利病諸大端考覈博詳余獲親鈔胥之役不厭不倦于
先生見之矣每當春秋佳日邀朋酬唱或策杖山陬探訪
勝蹟或躍馬冰雪憑弔今古縱筆所至寄託深遙生澀輒
謹於一字茹寒苦吟積時而無一章恣意高詠則不擇詞
飾傾瀉無餘雖旅途困躓中亦屹屹不休往往於友朋憂

患中語一往情深沉鬱悱惻令人不忍卒讀於古今人詩無不讀尤喜近代諸家開拓詩境以爲超邁古人不知者以爲狂故其詩未可規規於一家一格也然先生固不以詩自名而已其待人接物坦蕩率直事之所當爲是非所在不恤己之利害坐言起行若不可終日者必盡其心力以赴之居青數年獨往獨來訖不能行其志而去嗟夫嘗見史載握瑾懷瑜之士浮沉下僚爲諸侯賓客僅階前盈尺之地煎耗神智與百憂千險日相搏於萬一熹微之隙迺欲試以理焚烹鮮而其終免於懷刺奪稿者幾希古今同慨尙可言哉宜其抑塞磊落激蕩心脾於吟歎間以寄其憤懣不平之氣世之所謂窮而後工者率類此然而先

生則異是不緇不磷恬然素行以生人所難堪之境皆泰然處之一發於詩仍不失敦厚之旨是其志則可興可感而所遇亦誠難矣去秋先生來平余携其子安兼程後至驚喜交集潛退山中林泉侍游課詩讀畫興復不淺物我相忘無入而不自得焉爰請將篋中近年之作及山中諸什裒輯付印余從之也久故知之審謹道其崖略世有知者或亦有同感焉民國二十五年春初甘谷門人謝鳴鳳序於北平溫泉之紅葉山莊

[illegible]

序

吾兄仲翔髫齡學詩于天水任文卿先生

承允

內翰之門

其同學友則王新令楊楊村

效震

趙堯承

紹祖

也任先生

詩主三唐學者仰之暮年戢影林泉三人皆童子而私淑

老宿其幼作俱鏗鏘可誦兄年二十四南遊嘗阻兵長安

山川勝蹟輒有題詠刊印壯遊草頗類唐音昭陵六駿歌

南通張季直先生激賞之引入其九錄題跋中居金陵詩

格頓變北來遊學清華搏力於致用之學遂不常爲詩然

遊踪所至輒憲寄諸篇章曲達其幽僻不傳之境歸里後

國瑛嘗請鈔集舊稿而刊之兄曰三十歲以前詩無需存

也十九年國瑛就學西甯兄每有作必從旁鈔錄輒成巨

帙二十三年國瑛南遊江浙未與兄聚者一歲去年秋兄
襆被來舊京與國瑛復聚于清華人生離合變幻難測頻
經患難相慶更生自十七年歸里後諸詩幸皆鈔存前稿
則悉失于西甯寓宅殊可惜也遂復請編印此集許之里
中朋交故事國瑛竊用爲短箋吾兄名曰絳華樓詩凡四
卷八年來憂患哀樂悉見于此矣因書其顛末如此民國
二十五年一月馮國瑛序于清華大學明齋

絳華樓詩集目錄

題辭二首

序三首

(另霍教授松林序見續篇)

卷一

始雨

野趣二首

和獻青展重陽之作

堯丞見眎近作答此頗念新令

哭奉獲八首

題陳東有畫山水冊

大像山

禹卿丈以所藏敦煌唐人寫法華經長卷見贈賦謝
兼題其尾用任公師自題所藏唐人寫維摩詰經
卷爲敦煌石室物羅縷公見贈者韻

禹卿丈亦園成索詩卻寄

朱園山

入夜始抵首陽城積雪林薄寒不可耐擁襪被然麻
稗坐曉示劉生福祥周生蔭棠

感事十首

寄楊村南京兼訊諸友

望舍弟不至

定西題壁